

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allanngortinnissaa pillugu Inatsisartut inatsisaat nr. xx, yy 2015-imeersoq

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Saqqummiussinermi ilisimatitsissut

(Inuussutissarsiornermut, Suliffeqarnermut, Niuernermit Nunanullu allanut Naalakkersuisoq)

Siullermeenera

Matumuuna suliffeqarnermi innersuussisarneq pillugu Inatsisartut inatsisaata allanngortinnissaanut siunnersuut saqqummiutissavara.

Siunnersuut saqqummiunneqarpoq 2015-imi upernaami suliffinnut nittartakkap saqqummiunnissaa Naalakkersuisut kissaatigimmassuk. Suliffinnut nittartakkap nunatsinni suliffeqarfimmik tamarmiusumik tapersersuisaaq, aammalu suliffinnik inuttassarsiukkanik suliffissarsiortunillu pitsaanerusumik tamanik takusaqarsinnaaffimmik qulakkeerissalluni. Suliffinnut nittartakkap siunertaa aamma tassaavoq suliffissaaleqisut ikilisinnissaat, aammalu Kalaallit Nunaanni sulisartut ilinniagaqarsimanngitsut nunanit allaneersut amerlassusaannik ikilisaanissaq.

Suliffinnut nittartagaq suliffissarsiuussisarfinnut aamma suliffissarsiortunut Kalaallit Nunaanni atorfinnik inuttaligassanik suussusersinissamut sakkuussaaq, aammalu sulisitsisunit atorfinnik inuttassarsiornermi saqqummiisarfissatut, imaluunniit sulisartunik suliffissaaleqisunik piginnaasalinnik ujartuinissamut atorneqarsinnaavoq.

Siunnersuutip siunertaa tassaavoq suliffinnut nittartakkap atoreranut malittarisassiat atuuttussat aalajangersaaviginissaat. Siunissami suliffissarsiortoq suliffinnut nittartakkami nutarsagaasumik tamanillu takussutissiisumik suliaqarsimanerminik, CV-mik, paasissutissanik inissitaqarsimassaaq. Suliffissarsiortuusutut aammalu suliffeqarfimmut piareersimasutut isigineqarnissamut, taamaalillunilu suliffissaaleqinermi ikiorsiissutinik pissarsisinnaanermut pisinnaaffeqarnissamut siunissami suliffissarsiortup suliffinnut nittartakkami CV-qarnissaa piumasaqaatalissaaq.

Suliffinnut nittartakkami CV-qarnermut siunertaaq tassaavoq suliffinnut inuttaligassatut saqqummiussanut suliffissarsiortunik pitsaanerusumik tulluurtussarsiorsinnaanerannut suliffissarsiuussisarfiit periarfissaqalernissaat, aammalu sulisitsisut suliffissarsiortuni maani najugallit akornanni piginnaasalinnik sulisussarsiornissamut pitsaanerusunik periarfissinnissaat.

Taamatut oqaaseqarlunga siunnersuutip akuerineqarnissaa inassutigineqarpoq.